



Noé reingrazia Chelbedio con na oferta

Noé â porté alerch de gran podruns y â fat en alté a Chelbedio. Düc chi de sôa familia daidâ. Ai orea reingrazié Chelbedio ch'al i â salvé dal diluve y ch'ai â cialfé vita nea. Canche l'alté ea sté fat sô á copé i tiers ch'ai s'â tut sôn barca por ofrí sô. Chisc tiers ea le miú y le plü de valüta ch'ai â. Ai â empié sô le fû sôn alté y â ofrí sô i tiers a Chelbedio.

Noé s'â enlené jö y periâ con sôa familia: „Beldio, tö s'as salvé dal diluve. Nos ne sa'l án nia merité. Tö, gran y bun Beldio, es sté misericordius con nos. De cösc te dijunse iolan de cör.“ Chelbedio â ligreza con Noé y con sôa oferta. Y al â dit a se enstes: „Y ne menará mai plü en te diluve, olá che tiers y porsones ven desdrütes. Düc dess podei vire sôla tera. Tan dio ch'al é tera ne dess somonza y racoüda, freit y cialt, isté y invern, de y net mai se roé. Ensciö dessera ester por dagnora.“



Vita de ploania y de paisc

- **KVW Seniorenclub:** en dedemesaledema ai 13 de merz sarál ales 14:30 te dlijia d'La Pli na funziun con les Staziuns, abelides dal Cor dai Seniores. Dedô é düc enviés jö Sotrú por la picia marena.



enformaziuns y termins

Oraziun da Taizé: en vendres ai 15 de merz ales 20:00 vegnel tigní tla capela a Oies na oraziun de Taizé. Al se trata de en n'ora olá ch'al ven perié, medité y cianté en forma de Taizé. Düc é der bel enviés a tó pert.

Gebet

*Jesus, wir bereiten uns in diesen Tagen auf das Osterfest vor.
An Ostern feiern wir deinen Tod und deine Auferstehung.
Du zeigst uns, wie sehr du uns liebst. Du zeigst uns, dass du Leben schenkst. Öffne uns für dich und deine Liebe. Amen.*

Döt le bun a:	Maria Rindler Daverda	* 12.03.1931
	Carlo Pedevilla	* 12.03.1939
	Papa Francesco	lité 13.03.2013
	Lorenz Willeit	* 14.03.1939
	Angela Trebo, <i>Bornech</i>	* 14.03.1939
	Emma Kaneider Feichter	* 15.03.1936
	Jep Trebo	* 16.03.1933
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania
La Pli de Mareo
 Santa Maria dal Bun Consei

Ploian: Signor Heinrich Perathoner
 E-mail: ploania@gmx.net

Calogna Al Plan: 0474 501006
 Radio de Ploania: 93,00 MhZ



**Nia ma de pan vir le chescian,
 mo de vigne parora co ven dala bocia de Dio.**

📖 Deut 26, 4–10 | Rom 10, 8–13 | Lc 4, 1–13

Dal Vangelo do San Lüca:

Te chel tomp 1^â Gejú, emplí dal Spirit Sant, lascé le raiun dal lórdann, y é gnü condüt dal Spirit por caranta dis encerch tal desert, ²olach'al é gnü tonté dal malan. Al n'â mangé por döt le tomp nia, mo canche i caranta dis ea passés, âl fan. ³Danló ti á le malan dit: Sce t'es le Fi de Dio, spo dí che cösta pera deventes pan. ⁴Gejú ti á respognü: Al sta tla Scritöra: Le chescian ne vir nia ma de pan. ⁵Danló l'á le malan condüt sôn n crep y ti á mostré te n momont düc i regns dla tera. ⁶Y al ti á dit: Döta la potenza y la gloria de chisc regns ôi te dé; ciodich'ai m'é gnüs sorandés a me, y iu ti ai dá a chi ch'i ô. ⁷Sce te te petes jö dan da me y m'adoreies, sará döt to. ⁸Gejú á respognü: Dan dal Signur, to Dio, desste t'enlené y sorví el su. ⁹Sôn chera l'á le malan condüt a lerúsalem, l'á motü sô ensom le templ y ti á dit: Sce t'es le Fi de Dio, sciürete jö da atló; ¹⁰ciodiche la Scritöra dij: Al comana sù angeli de ciaré de te ¹¹y: Ai te portará sôn söes mans, por che to pé ne ciumpedi nia te na pera. ¹²Sen ti á Gejú respognü: La Scritöra dij: Te ne desses nia meter le Signur, to Dio, ala proa. ¹³Do cöstes tontaziuns s'an é le malan jü demez da d'el cina al tomp motü.

Oraziun dal de

*Periun! Dio onipotent, te nes scinches cösta santa Carsema desco tomp de converjiun y de penittonza: láscesse, con la zelebrazion de cösc tomp sant, jí plü sot tla conescionza de Gejú Crist y desmostré con na vita de fede la forza de sôa redenziun.
 Por nosc Signur Gejú Crist, to Fi, co é Dio y vir y regneia con te tl'unité dal Spirit Sant por düc i secui dai secui. – Amen.*

(Lezionar C)



📖 *Letöres dla Secunda domegna de Carsema:*
Gen 15, 5–12.17–18 | Fil 3, 17 – 4,1 | Lc 9, 28b–36

Edema liturgica dai 10.03. ai 17.03.2019

DOM 10.	Pröma domegna de Carsema domegna dla dlija te ciasa	<i>I 40 martirs, Gustav, Milio</i>
08:30	gran messa por döta la ploania	<i>oferta por i debojügns dla ploania</i>
→ 19:00	les ciampanes envieia al'oraziun te familia	
<i>10 y 18</i>	<i>s.m. a Al Plan</i>	
Lön 11.	<i>Rosina, Ulrich</i>	
→	de d'oraziun personala y te familia	
Ded 12.	<i>Gregor, Beatrix</i>	
07:30	s.m. de rengraziamont dla fam. de Nichele, La Pli	
	s.m. en onú de Santa Maria dal Bun Consei	
Dem 13.	<i>Iudith, Paulina, Leander</i>	
14:30	les Staziuns con le KVV Senioreclub	
→ 19:30	les Staziuns con l'Uniun dles Eres	
Jöb 14.	<i>Metilde, Gottfried K.</i>	
19:30	s.m. dai crejimandi por † Anna Konrater ved. Palfrader, Col	
	s.m. por † signor Merch Graffonara, ploan	
Ven 15.	<i>Klemens Maria Hofbauer, Loise, Zacharias</i>	→ astinonza dla cern
→ 19:30	funziun penitenziala de Carsema	
Sab 16.	<i>Heribert da Köln, Hilarius</i>	
10:30	s.m. de rengraziamont dla vita de Lorenz Willeit, Damez	
<i>18:00</i>	<i>s.m. prefestia a Al Plan</i>	
19:30	s.m. prefestia por † Genoveffa Ellemunter ved. Rigo, Matlogn	
DOM 17.	Secunda domegna de Carsema	<i>Gertrud, Patrick</i>
08:30	gran messa por döta la ploania	<i>oferta por i debojügns dla ploania</i>
<i>10 y 18</i>	<i>s.m. a Al Plan</i>	
<i>ampola:</i>	por la fam. Ritsch, Tomele da Rara	
<i>ministronc:</i>	▶ da doman y domegna: Moses y Elias ▶ da sera y domegna: Filip y Sonia	
<i>i recordun:</i>	Genoveffa Ellemunter ved. Rigo	+ 16.03.2011



Malan ... de tentaziuns (Lc 4, 1-13)

I ponsi do

*Caranta dis alalungia ven Gejù tonté dal malan.
Nia ma por finta o por jüch, les proa le malan fora dötes por le trá demez dala fedelté al proiet de Dio.
Mo Gejù la davagna, con l'aiüt dla Parora de Dio, con le sacrificize y le chit ...
I án motù man la carsema y i sun cherdés a superé vigne empedimont co se despartesc da Gejù.
Ince nos podun davagné, desco Gejù: sc'i ascutun söa parora viunse tal amur y i sarun bogh da se sacrifiché por i atri.*

I preii ensciö

Te ti es sté bun a chel diu den Satana. Te ti as tigní bot a dötes söes tentaziuns. Tantes astemo mai mossü t'an sté fora, Gejù? Ci t'ál mo pité y lascé odei? Döt le mal dal monn, les atraziuns co porta söla strada falada, düc i onurs y les richezes co se fej la gola ...
Sce iu foss sté danló, iu ess dé do ala pröma tentaziun. Mo tö es sterch Gejù, i te envidieii deache t'és sté bun da dí de no ala monzenaria y ala superbia por dí de sciö endere ala verité y ala creta che Chelbeldio, to Pere, t'á dé.
I sá che te l'as fat ince por me, por düc nos. Iolan! Dásse empücia de töa forza, ch'i sunse bogh da confidé en te tles dificoltés y canch'i gnun motüs ala proa ch'i sunse bogh con te da refodé vigne ponsier da orei se destaché da töa amizizia.

Walter Cazzaniga, Parola amica – Il Vangelo della domenica per ragazzi



I ponsun con le Vangelo

1>									
2>									
3>									
4>									
5>									
6>									

- 1> Gejù á lascé le raiun dal ...
- 2> Döta la potenza y la gloria de chisc ... ôi te dé.
- 3> Le ... ne vir nia ma de pan.
- 4> Al comana sü ... de ciaré de te.
- 5> ciodiche la ... dij
- 6> Do cöstes ... s'an é la malan jü demez